

P. 102, L. -3【**文殊師利，又有菩薩**】《法華經授手》卷 1〈序品第一〉：「前來見諸菩薩雖有種種因緣等，廣行六度萬行，是佛住世時，依佛化儀，猛力修習求無上道者；此又見佛滅後，念報佛恩，為供舍利，則又見一翻行徑，故此重呼文殊而問之也。」(X32, p. 624c10-13)後二偈「結歎」，故又再稱呼文菩薩。

P. 103, L. 1【**塔廟**】《法華經授手》卷 1〈序品第一〉：「塔以供養舍利，而廟以供形像也。以無數恒沙記，則萬八千土中，諸佛舍利亦應無數。嚴飾國界者，由塔多則國土自嚴。」(X32, p. 624c15-17)

P. 103, L. 3【**為供舍利，嚴飾塔廟**】《法華文句記》卷 3〈釋序品〉：「塔藏身界，故供者福大，不同殿堂形貌安處，故《長阿含》云：「佛臨涅槃，有梵摩比丘佛前立，執扇扇佛。佛言：却勿在吾前。阿難思念：此比丘常侍佛，供給無厭。今者末後，須其給使，乃令遣却，何因緣耶？佛告阿難：今俱尸城(拘尸那)十二由旬天神側塞，嫌此比丘當佛前立。今者末後，諸天神等皆欲供養，而此比丘有大威德光明映蔽，使我不得親近禮敬，是故令却。阿難白佛：何因緣故有是身光？佛言：毘婆尸佛時，以歡喜心，手執火炬，照彼佛塔，使其身體光明乃爾，上至二十八天身光不及。」火照既爾，餘皆準知。故知舍利所住之處，其功不輕，慢之生罪，罪莫大矣。如斯等例，經文甚多，何可具列，並非今正意。」(T34, p. 202b27-c12)「身界」：舍利，此為佛之身分，故謂之身界。

P. 103, L. 5【**塔量**】《法華經大成》卷 1〈序品第一〉：「高五千由旬者，一由旬四十里，則有二十萬里之高。直曰縱，橫曰廣，正等橫直，四方一樣，二千由旬，則有八萬里之寬大，此塔之量也。」(X32, p. 376a2-5)二十萬里=十萬公里。八萬里=四萬公里。面積=1,600,000,000 平方公里(164,963,000,000 甲)3 個地球表面積，4400 個台灣島。

P. 103, L. 5【**塔莊嚴**】《法華經大成》卷 1〈序品第一〉：「恒沙塔廟，各有千種幢幡者，表摧邪輔正也。露盤珠網，交羅寶鈴，節奏和鳴，此塔之莊嚴也。天龍技樂，此塔之供養也。」(X32, p. 376a5-7)《法華經授手》卷 1：「一塔有千幢幡，皆貫珠作幔。露幔者，即塔外張施也。鈴和鳴者，塔既無數鈴多可知，風動齊聲故曰和鳴。此皆明塔廟莊嚴，為菩薩之所供養也。諸天下，又明人天八部亦如是供養。…嚴飾塔廟，本為供舍利也。由塔廟奇麗，故國界殊妙，此

不嚴而嚴也。」(X32, p. 624c17-24)

P. 103, L. 6【天樹王】《法華經授手》卷 1：「天樹者，名波利質多羅，此云圓生，高五百由旬，枝葉布五十由旬，華香亦徧五十由旬。其根莖華果等生時，閻浮提樹一切俱生，故曰樹王。今謂塔嚴國土，如樹華之開敷，極周極徧，為殊為妙也。」(X32, pp. 624c24-625a4)《法華經大成》卷 1〈序品第一〉：「天樹王者，大經云：三十三天有樹，名圓生，根深五十由旬，高五十由旬，枝葉布五十由旬，華香五十由旬，光照五十由旬。此樹為帝釋鍾愛，故稱天樹王。其華開時，諸天遊樂其下，叢集圍繞故。當知此中，佛遺舍利，以作佛事，菩薩奉之，用求佛道。塔供舍利，廟供聖容。梵剎櫛比，幢旛鱗次，故託喻於恒沙之多。雕梁畫宇，藻稅奇節，故嚴飾於國界之中。式樣巍我，巧奪輪奐，旛騰天上，鈴響雲間，珠交星燦，幔鎖烟霞。不唯崇敬之殊勝，亦乃宇宙之大觀。故有天龍雨華，人神奏樂，庶得正法興隆，善人增盛。其猶天樹，華開艷麗，故令天宮皎潔，香風微動，天人得其怡樂。故曰：如天樹王，其華開敷也。」(X32, p. 376 a8-20)

P. 103, L. 7【己二】本書 p. 91:-7「戊二偈頌二。己初頌上問。己二頌請答。」

P. 103, L. -5【為諸法本】《妙法蓮華經文句》卷 3〈序品〉：「初一行，舉見此土事，白毫為本故先舉，及諸事故言「種種」；次「諸佛」下，第二一行，舉見他土事，諸佛為本，即總攝餘五也；「我等」下，第三一行，請答。」(T34, p. 32b9-12)《法華文句記》卷 3〈釋序品〉：「白毫為本者，此約道理，白毫表中，為諸法本，不必最初，及由光見，以之為本，如他土瑞，六趣居首，豈為瑞本？所以他土以佛為本，若論總別，仍同因光。言「佛為本」者，下凡依佛，佛之人法，由佛始終，始必歸終。問：他土六瑞容可因光，此土但云佛放一光，見此國界，何曾關五？答：因光見處，一切皆妙，當知光是殊妙之本，況復諸瑞並中為本，光即中也。他六皆中，由光亦爾。「次行者，初二句歎光本，於中初一句二字舉光本，本即神力智慧。言「諸佛」者，舉諸顯一，正指釋迦。次二字正歎，爾前不然故云「希有」，由二事故其光乃淨。下之二句歎光體用，於中初句歎光體，次句歎用，所照國也。過萬八千方云「無量」，故前立數，且從所表，況復諸方所照亦爾，故云無量。」(T34, pp. 202c15-203a1)

P. 103, L. -3【與華嚴般若若有異】有異者何？經云「得未曾有」：1. 所見瑞相不可思議，2. 見諸菩薩所求意，3. 皆由佛光而見，4. 見佛智慧神力。

《法華經大成》卷1〈序品第一〉：「佛放一光能照也。我及眾會，依光能見之人也。國界，法會所見之境也。只此一光，見有如許種種殊特妙好之事。問：彼東方萬八千世界，去靈山不知多少遠近，不曰見彼，而曰見此者，何也？答：因佛光照，即遠即近，如在目前，忘其彼此也。神力智慧希有者，謂世界廣大高厚，計萬八千，以凡聖因果，情器劫時，久近始終，因緣相貌，信解之多，彙而無量無邊。不移此而見彼，無遠近也。不移一時而見多劫，無過現也。聖凡隱顯，因果彼此，略無毫忽不見，略無些須錯雜，非諸佛神通智慧力，安能如是？故曰希有。放一淨光者，能照有分限也。照無量國者，所照事無量也。」

(X32, p. 376a23-b10)

《法華經授手》卷1〈序品第一〉：「佛未放光，我等所見皆尋常也。今由于此光中見，皆奇特殊勝，而眾疑似不容己也。此界即本土，種種殊妙即本土六瑞。此方頌見他土。諸佛神力兩句，該在我等見。此下照上，應云：放一淨光照無量國，我及眾會見彼佛土，諸佛神力智慧希有，其意自顯。前日萬八千，約眾生現量，不出十八界境。此由諸佛神力，故曰無量。謂我于此光中所見十法界相，并見諸菩薩行種種行，及見諸佛神力智慧希有，皆見所未見也。」

(X32, p. 625a7-16)